

甯君爲五嶽丈人嶽神一月再朝虛中灑水以代刻漏陽時則
颯然而下陰時卽無晝夜凡六時灑水故號六時水焉其所出
處在天倉巨巖之前宗玄觀之南三師壇側其下有明皇御容
碑水所落處側石爲六角池闊三四尺以貯之焉上無泉源亦
無流注應時懸降勢若暴雨人或炷香執爐祝而引之自東自
西隨香而灑可移數步之內乾符己亥年觀未興修水常如舊
忽有飛赴寺僧竊據明皇眞碑舍中擬侵占靈境創爲佛院其
水遂絕半歲餘僧爲飛石所驚蛇虺所擾奔出山外縣令崔正
規秋醮入山聞鄉閭所說甚雜其下焚香以請水乃復降至今
不絕

道藏輯要

雲笈七籤
卷十三

金

井集六

葛瓊化丁東水驗

葛瓊化周回巖壑左右嵌穴地靈境秀迥絕諸山故有二十四
峯八十一洞焉觀下有磎水深在谷底汲之非便此宮之西過
崖磴十五步戶石之下有丁東水出於崖腹滴入窪石竅中積
雨不加久旱不竭人或汗之立致枯涸中和年刺史安金山准
詔投龍郡縣參從者三百餘人忽有汗觸其水者頃刻乃竭安
公與道流頗爲憂懼夜至泉所拜手焚香叩祈良久涓涓而滴
雖從騎之衆食之充足每年三月三日蠶市之辰衆逾萬人宿
止山內飲食之外水常有餘

金堂縣昌利化玄元觀九井驗